

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj: 02-11-1455/20
Vogošća, 22.09.2020. godine

**OPĆINSKO VIJEĆE
VOGOŠĆA**

PREDLAGAČ: Općinski načelnik

OBRAĐIVAČ: Služba za komunalne poslove

SADRŽAJ: Informacija o aktivnostima na toplifikaciji i gasifikaciji općine Vogošća sa informacijama Baga Energetike, Sarajevogasa i Elektrodistribucije Sarajevo o pripremama za grejnu sezonu

Dostavljamo Vam Informaciju o aktivnostima na toplifikaciji i gasifikaciji općine Vogošća sa informacijama Baga Energetike, Sarajevogasa i Elektrodistribucije Sarajevo o pripremama za grejnu sezonu.

OPĆINSKI NAČELNIK

Edin Smajić

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Služba za komunalne poslove

Broj: 07-11-1455/20
Vogošća, 22.09.2020. godine

INFORMACIJA
O AKTIVNOSTIMA NA TOPLIFIKACIJI I GASIFIKACIJI OPĆINE VOGOŠĆA SA INFORMACIJAMA
BAGS ENERGOTEHNIKE, SARAJEVOGASA
I ELEKTRODISTRIBUCIJE SARAJEVO O PRIPREMAMA ZA GREJNU SEZONU

U skladu sa Programom rada Općinskog vijeća, Služba za komunalne poslove, pripremila je informaciju o aktivnostima na toplifikaciji i gasifikaciji općine Vogošća sa informacijama Bags-Energotehnike, Sarajevogasa i Elektrodistribucije Sarajevo o pripremama za grejnu sezonu.

Na području Općine Vogošća, u privatnim stambenim objektima, objektima kolektivnog stanovanja, institucijama, poslovnim objektima i sl. za zagrijavanje prostorija u zimskom periodu koriste se različiti energenti, počev od čvrstog goriva, tečnog goriva, plina i el. energije. Dosadašnjim razvojem gasne mreže i prihvatanjem gasa kao energenta od strane lokalnog stanovništva, postignuto je da je pokrivenost područja općine prirodnim gasom na zavidnom nivou.

Ove aktivnosti se provode na osnovu operativnih programskih planova koje navedena preduzeća pripremaju krajem svake godine.

Na zahtjev Općine Vogošća upućen prema firmama koje se bave isporukom toplotne energije za zagrijavanje prostorija na području Općine Vogošća, dostavljene su Informacije od strane „Bags-Energotehnika” d.d. Vogošća, KJKP „Sarajevogasa” d.o.o. Sarajevo, i JP „Elektroprivreda BiH” d.d. Sarajevo - Podružnica „Elektrodistribucija Sarajevo, koje su prilog ovoj Informaciji.

U skladu sa navedenim u prilogu slijedi:

1. Informacija od firme „Bags - Energotehnika” d.d. Vogošća.
2. Informacija od KJKP „Sarajevogas” d.o.o. Sarajevo.
3. Informacija od JP „Elektroprivreda BiH” d.d. Sarajevo - Podružnica „Elektrodistribucija” Sarajevo.

POMOĆNIK
OPĆINSKOG NAČELNIKA

Fetah Kadrić



Javno preduzeće
ELEKTROPRIVREDA BOSNE I HERCEGOVINE
 d.d. - Sarajevo
 Podružnica "Elektrodistribucija", Sarajevo

Fax

Broj protokola:	03-4-222-42976/2020	Od/From:	Podružnica "Elektrodistribucija" Sarajevo
Kome/To:	OPĆINA VOGOŠĆA SLUŽBA ZA KOMUNALNE POSLOVE	Datum/Date:	22.09.2020. godin ² 2 -09- 2020
Fax:	033/586-401	Strana/Pages:	
Telefon/Phone:	033/586-463	CC:	22; 222; 12 a/a
Re:		Hitno/Urgent	

Sadržaj: Dostava informacija vezanih za stanje distributivne mreže na području Općine Vogošća, povodom predstojeće sezone grijanja za 2020/2021. godinu

Poštovani,

Na osnovu Vašeg zahtjeva br: 07-19-sL/20 od 21.09.2020. godine, a vezano za stanje distributivne mreže na području Općine Vogošća, povodom predstojeće sezone grijanja za 2020/2021. godinu, dajemo Vam sljedeću informaciju.

Područje Općine Vogošća napaja se električnom energijom iz transformatorskih stanica TS 110/10 kV Sarajevo 4 (Vogošća) i TS 110/10(20) kV Sarajevo 10 (Reljevo) preko srednjenaponskih 10(20) kV kablova, dok se rubni dijelovi Općine Vogošća napajaju iz transformatorskih stanica TS 35/10 kV Ilijaš i TS 110/10 kV Sarajevo 5 (Koševo). Na ovom području nalazi se 130 distributivnih transformatorskih stanica prenosnog odnosa 10/0,4 kV, od kojih je najveći broj (preko 47%) transformatorskih stanica nazivne snage od 630 kVA.

Završetkom realizacije investicionog projekta „Uklapanje nove 110/10(20) kV transformatorske stanice Sarajevo 10 (Reljevo) u srednjenaponsku mrežu“ obuhvaćen je veći broj transformatorskih stanica sa područja Općine, te se na ovaj način obezbijedilo značajno povećanje kapaciteta postojeće mreže na području Općine Vogošća. Kao rezultat je veća kvaliteta, sigurnost i stabilnost isporuke električne energije.

Ovim putem bi istakli da službe održavanja distributivne mreže vrše redovne obilaske i kontrole distributivne mreže, te da je stanje distributivne mreže zadovoljavajuće i da nisu evidentirani duži zastoji u isporuci električne energije. U toku 2020. godine snabdijevanje električnom energijom je bilo kontinuirano i stabilno.

Napominjemo da je stanovnicima i dalje na raspolaganju naš Informativni centar i besplatni telefon broj 080 020 133, odnosno mogućnost da prijave svaki problem na mreži. Naše interventne elektromonterske ekipe će učiniti sve da, do konačnog rješenja, otklone opasnost i koliko je moguće ublaže nastale probleme.

S poštovanjem,



Wilsonovo Sarajlište 15, 71000 Sarajevo, BiH.

Reg. broj: UP/4382/04 Kantonalni sud Sarajevo
 Poslovni broj: 4200225150005, PDV broj: 200225150005
 338902208746795 - UniCredit banka d.d. Mostar
 154821202388605 - Imesa SanPaolo banka d.d. BiH Sarajevo
 1820000003160023 - Raiffeisen Bank d.d. BiH Sarajevo
 1990490179079902 - Sperrasse Bank d.d. BiH Sarajevo
 140101111000812 - Sberbank BH d.d. Sarajevo

Podružnica „Elektrodistribucija“ Sarajevo
 Zmaj od Bozna 49, 71000 Sarajevo, BiH

Reg. broj: UP/1-2208/04 Kantonalni sud Sarajevo
 Poslovni broj: 4200225150030
 PDV broj: 200225150005
 1401011110005798 - Sberbank BH d.d. Sarajevo
 1990540073390524 - Sperrasse Bank d.d. BiH Sarajevo
 www.epbh.ba



SARAJEVOGAS d.o.o. SARAJEVO
Kantonalna javna komunalna preduzeće za snabdijevanje prirodnim gasom

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Općinski Načelnik

Služba komunalne, poslove mjesnih zajednica i
zajedničke poslove

71000 Sarajevo, Trg Fadila Odžaković Zute 4
www.sarajevogas.ba

TELEFONI:
Direktor
preduzeća: ++387 33 20 03 30

Telefonska
centrala: ++387 33 44 51 20
++387 33 22 52 51

FAX: ++387 33 44 55 25



++387 33 44 37 21

Broj: 0201-02-3255/20 1

Datum: 23.09.2020.god.

Predmet: Informacija za Općinsko vijeće

Veza: Vaš zahtjev broj 07-19-sl/20 od 21.09.2020. godine

Poštovani,

Na Vaš zahtjev u nastavku vam dostavljamo informaciju o aktivnostima na distributivnoj gasnoj mreži i pripremama za sezonu grijanja 2020./2021. godinu za područje općine Vogošća.

POSTOJEĆE STANJE

Na području općine Vogošća se za potrebe zagrijavanja u najvećoj mjeri koristi čvrsto i tačno gorivo. Dosadašnjim razvojem gasne mreže i prihvatanjem gasa kao energenta od strane lokalnog stanovništva, postignuto je da je pokrivenost područja općine prirodnim gasom cca 60% urbanog dijela općine, sa tendencijom daljeg razvoja distributivne gasne mreže u zonama individualnog i kolektivnog stanovanja, kao i privrednim i industrijskim zonama.

Izgradnjom distributivne gasne mreže u dosadašnjem periodu su stvoreni uslovi za korištenje prirodnog gasa za zagrijavanje, kuhanje i pripremu sanitarne vode u naseljima: Centar Vogošća, Vogošća I i II, Svrake, Semizovac, Nebočaj, Hotonj, Rosulje, Blagovac, Gornja i Donja Jošanica, Uglješići, Dreskovača, Orahov brijeg, Poljine i industrijska zona općine Vogošća.

PODACI O KORISNICIMA PRIRODNOG GASA NA PODRUČJU OPĆINE VOGOŠĆA

Tarifna kategorija	Broj aktivnih mjernih mjesta prirodnog gasa na dan 30.09.2019. godine	Broj aktivnih mjernih mjesta prirodnog gasa na dan 22.09.2020. godine
Domaćinstva	3,695	3,752
Mala Privreda	197	204
Velika privreda	27	29
KJKP Toplane	0	0
UKUPNO	3,919	3,984

Transakcijski računi: UniCredit bank 3389002208754812; Union banka 1020500000008525; Raiffeisen bank 1810000037800024;

INTESA SANPAOLO BANKA 1540012000155481; BSI banka 1410010000676747

Registarski sud: Općinski sud u Sarajevu br.Rješenje: M3-85-01-0319-12

ID br. 4200158020002

ID PDV 200158020002

Povešni broj: 017000320

Šifra djelatnost: 35.22

1/5



POBOLJŠANJE USLUGA

CENTAR ZA KOMUNALNE USLUGE

U cilju poboljšanja pružanja usluga komunalnih preduzeća od novembra 2018. godine počeo je sa radom zajednički Centar za komunalne usluge u prostorijama Općine Vogošća. Otvaranjem ovog centra građanima je data mogućnost da plaćaju na jednom mjestu, bez provizije, račune za komunalna preduzeća Vodovod i kanalizacija, BAGS Energotehnika, Rad i Sarajevogas, i da na jednom mjestu dobiju sve ostale informacije iz domena rada pomenutih preduzeća.

DALJINSKO OČITANJE MJERAČA GASA

U skladu sa aktivnostima na unapređenju usluga na svim mjernim mjestima u Općini Vogošća ugrađena je oprema za daljinsko očitavanje.

Implementacijom sistema za daljinsko očitavanje prepoznati su sljedeći benefiti:

- omogućavanje brzog očitavanja, bez grešaka i bolji nadzor nad mjeračima gasa i potrošnjom;
- smanjenje uticaja ljudskog faktora u kvalitetu očitavanja;
- omogućavanje bržeg pristupa i obrade podataka;
- preciznija analiza distribuiranih količina gasa;
- nenarušavanje privatnosti kupca prilikom očitavanja;
- podizanje nivoa kvaliteta usluga;
- povećanje zadovoljstva kupaca.

IZGRADNJA DISTRIBUTIVNIH GASNIH MREŽA U 2020. GODINI

U skladu sa Planom realizacije za izgradnju distributivne gasne mreže na području općine Vogošća u toku 2020. godine (broj: 07-19-sl/20 od 29.04.2020. godine) u 2020. godini planirana je izgradnja distributivne gasne mreže u naseljima Svrake – Krivoglavci i Hotonj – Poljine.

U cilju obezbjeđenja sigurnog i kontinuiranog snabdjevanja prirodnim gasom naseljenih područja općine, napominjemo važnost realizacije uvezivanja distributivnih gasnih mreža u naseljima Hotonj i Krivoglavci, koja nisu do sada bila planirana u okviru budžeta Općine u prethodnom periodu.

Uvezivanje gasovoda Hotonj-Poljine

S obzirom da se veliko područje općine Vogošća snabdijeva samo iz jednog pravca snabdjevanja, preko rejonske regulacione stanice na Šipu, a da su izgradnjom rejonske regulacione stanice na Poljinama na području općine Centar stvoreni uslovi za obezbjeđenje dodatnog izvora snabdjevanja prirodnim gasom postojećih objekata i razvoja distributivne gasne mreže na tom području, naglašavamo značaj realizacije projekta uvezivanja distributivne gasne mreže pritiska $p=0,1(0,2)$ bar na dionici Hotonj - Poljine.

Projektovanim nastavkom izgradnje distributivne gasne mreže u naselju Hotonj i u naselju Poljine, sve do granice sa općinom Centar, osigurali bi se uslovi za uvezivanje distributivnih gasnih mreža u općinama Vogošća i Centar, čime se ostvaruje uravnoteženje energetske bilansa, poboljšava snabdjevanje i upravljanje gasnim sistemom, te stvaraju mogućnosti razvoja gasnih mreža u novim naseljima na tom području.

Previđena je fazna realizacija projekta u skladu sa finansijskim mogućnostima i razvojnim planovima Općine Vogošća. Za ovaj projekat pripremljena sva izvedbena tehnička dokumentacija i izdato odobrenje za građenje.

Uvezivanje gasovoda preko mosta u naselju Krivoglavci

Distributivna gasna mreža na lokalitetu Svrake i Semizovac se snabdijeva prirodnim gasom preko jedne rejonske regulacione stanice u Semizovcu. S obzirom na broj objekata koji se snabdijevaju prirodnim gasom sa navedene stanice, kao i na potrebe naselja Krivoglavci, kapacitet ove rejonske redukcione stanice je nedovoljan za snabdjevanje prirodnim gasom drugih naselja.



Projektom gasifikacije naselja Krivoglavci je predviđeno priključenje na primarnu gasnu mrežu pritiska $p=3(4)$ bar na izgrađenoj dionici Vogošća – Ilijaš. Kapacitet projektovanog gasovoda zadovoljava potrebe cijelog naselja, imajući u vidu intenzivno širenje naselja na ovom području, te kao dio prstena srednjeg pritiska obezbjeđuje daleko veće mogućnosti za priključenje novih kupaca.

Realizacijom ovog projekta se stvaraju pretpostavke za realizaciju izuzetno značajnog strateškog projekta uvezivanja gasovoda srednjeg pritiska u Kantonu Sarajevo, kojim se postiže: uravnoteženje energetskog bilansa cjelokupnog gasnog sistema u Kantonu Sarajevo, sigurnost snabdijevanja prirodnim gasom iz više pravaca, poboljšanje održavanja i upravljanja gasnog sistema i priključenje novih kupaca.

U toku je postupak obrade dokumentacije za dobijanje saglasnosti Direkcije za ceste FBiH koja tretira prelaz preko mosta u naselju Krivoglavci. Nadležna općinska služba je 16.09.2020.godine izdala odobrenje za građenje za dio projektovane trase: dionicu od spoja sa postojećom distributivnom gasnom mrežom u naselju Svrake do mjesta planirane rejonske regulacione stanice u naselju Krivoglavci.

Projektovanje izgradnje distributivne gasne mreže u ulici Ahmeda Rizve

Na osnovu dostavljenog zahtjeva od strane Općine Vogošća u mjesecu junu 2020. godine, pripremljen je koncept Idejnog projekta izgradnje distributivne gasne mreže pritiska $p=3(4)$ bar u ulici Ahmeda Rizve, općina Vogošća.

PROMOCIJA UPOTREBE PRIRODNOG GASA

Svjedoci smo velikog zagađenja zraka, koje je u velikoj mjeri uzrokovano korištenjem čvrstih i tečnih goriva za zagrijavanje, što je pokazatelj alarmantnog stanja i potreba za poduzimanjem što hitnijih mjera od strane nadležnih organa kako bi se povećala i stimulisala upotreba prirodnog gasa.

U cilju poboljšanja kvaliteta zraka u Kantonu Sarajevo i povećanju broja novih korisnika prirodnog gasa i u 2020. godini je nastavljena realizacija prethodno započetog projekta od velikog značaja za Kanton Sarajevo tj. Projekat "Subvencioniranje gasnih priključaka na postojeću infrastrukturu Sarajevogasa".

JAVNA PUNIONICA ZA VOZILA NA PRIRODNI GAS

U mjesecu maju 2020. godine zvanično je puštena u rad prva javna CNG punionica u Kantonu Sarajevo koja se nalazi na lokaciji poslovno-tehničkog objekta Sarajevogasa u Butilama. Puštanjem u rad CNG punionice, Bosna i Hercegovina je uvrštena na CNG mapu Evrope. Ciljne grupe korisnika u Kantonu Sarajevo su javni gradski prevoz, taxi vozila, komunalna preduzeća, kantonalna ministarstva, javne institucije, privredni subjekti i stanovništvo Kantona Sarajevo. Podsjećanja radi, sporazum o finansiranju projekta "Izgradnja punionice vozila na prirodni gas" potpisali su u julu 2018. godine, Ministarstvo saobraćaja Kantona Sarajevo i KJKP „Sarajevogas“ d.o.o. Sarajevo. CNG punionica na usluzi je svim građanima, odnosno fizičkim i pravnim licima, kao i turistima koji dolaze u naš grad.

Koristimo ovu priliku da predložimo i Općini Vogošća, da shodno svojoj nadležnosti i mogućnostima predvidi u planskim dokumentima finansijska sredstva za nabavku vozila koja prirodni gas koriste kao pogonsko gorivo. Naime, sva relevantna svjetska istraživanja i studije potvrdili su da upotreba ovakvih vozila omogućuje ogromne uštede, kao i značajno poboljšanje kvalitete zraka. CNG (compressed natural gas) važi za gorivo budućnosti. Jedno je od globalnih rješenja i odgovora na postojeće klimatske promjene i probleme s lošom kvalitetom zraka.

Iskustva KJKP GRAS, koji je uveo u sistem gradskog saobraćaja osam autobusa koja voze na prirodni gas, pokazala da su troškovi nabavke za gorivo za 30 do 40 posto manja nego ranije.



BRIGA O BEZBJEDNOSTI LICA, IMOVINE I GASNOG SISTEMA

U skladu sa Pravilnikom o kontroli i održavanju gasnog sistema i snabdijevanja prirodnim gasom te godišnjim Planom održavanja KJKP Sarajevogas d.o.o. Sarajevo redovno vrši neophodne pripreme u svim segmentima, održava i kontrolira gasni sistem kako bi isti ostao u punoj pogonskoj spremnosti. Međutim, da bi isporuka gasa bila sigurna i bezbjedna potrebno je da svi subjekti u granicama povjerenih nadležnosti učestvuju u sprečavanju i smanjenju pojava koje ugrožavaju bezbjednost lica i imovine, gasnog sistema te ugrožavanja sigurne i bezbjedne isporuke gasa.

Naša namjera je da ukažemo na pojave koje ugrožavaju bezbjednost lica i gasnog sistema u cjelini naglašavanjem karakterističnih situacija:

- Izvođenje radova od strane drugih komunalnih i građevinskih preduzeća na trasi gasovoda ili u njenoj neposrednoj blizini
- Izvođenje građevinskih radova u pojasu klizišta
- Prilikom izvođenja radova ne poštuju uslovi izvođenja radova koji su navedeni u saglasnosti izdatoj od strane Sarajevogasa.

Pomenute situacije uzrokuju veliki broj oštećenja gasne mreže od strane izvođača radova.

Sarajevogas nije u mogućnosti da, bez pomoći građana i nadležnih inspeksijskih službi (općina, grada, Kantona), spriječi ovu pojavu koja predstavlja direktnu opasnost za bezbjednost lica i imovine u njihovom okruženju.

Ekipe Sarajevogasa su spremne da reaguju i na svaku anonimnu dojavu građana u cilju sprečavanja mogućih neželjenih posljedica po lica i imovinu kao i u svrhu zaštite gasnog sistema.

DIMNJACI

Od početka gasifikacije u Kantonu Sarajevo do danas mjenjali su se propisi koji su se primjenjivali za izvođenje unutrašnjih gasnih instalacija, što uključuje i izvođenje priključenja na dimnjak. Jedan od glavnih uzroka povrata produkata sagorijevanja je loše stanje dimnjaka.

U cilju obezbjeđenja sigurne upotrebe prirodnog gasa u objektima kolektivnog stanovanja ukazujemo na potrebu povećanog inspeksijskog nadzora, kontrole redovnog čišćenja i održavanja dimovodnih instalacija, te blagovremenog dostavljanja informacija o eventualno uočenim nepravilnostima.

KONTAKT SA GRAĐANIMA – KUPCIMA PRIRODNOG GASA

Najmanje dva puta godišnje KJKP Sarajevogas d.o.o. Sarajevo dostavlja svim kupcima prirodnog gasa upute za sigurno i efikasno korištenje prirodnog gasa, aktuelne informacije i slično. Na taj način nastojimo podsjetiti korisnike, kao i vlasnike unutrašnjih gasnih instalacija i priključenih gasnih aparata na njihove obaveze u domenu redovnog održavanja.

Vjerujemo da su vam poznati naši brojevi telefona pa koristimo ovu priliku da naglasimo mogućnost kontakta putem E-mail-a: podrskakoriscnicima@sarajevogas.ba i info@sarajevogas.ba. Korištenjem ovog načina može se doći do podatka o stanju eventualnog dugovanja po ispostavljenim računima za gas, a mogu se zatražiti i informacije iz domena poslovanja preduzeća.

Preporučujemo i web stranicu www.sarajevogas.ba, gdje se mogu dobiti osnovne servisne informacije i upute korisnicima naših usluga.

Pozivanjem slijedećih brojeva telefona: **033/ 59 20 95, 033/ 59 20 96, 061 / 48 77 87** moguće je izvršiti prijavu Dispečerskom centru KJKP Sarajevogas-a ukoliko se uoče eventualni nedostaci na gasnim instalacijama. Odmah po izvršenoj prijavi i zaprimljenom zahtjevu za intervenciju Sarajevogasa Dežurna služba Sarajevogas-a daje savjet kupcu kako da preventivno postupi u datoj situaciji do dolaska dežurne ekipe za hitne intervencije.



UMJESTO ZAKLJUČKA

Shodno raspoloživim količinama prirodnog gasa snabdijevanje svih korisnika prirodnog gasa na području općine Vogošća u prethodnom periodu je bilo uredno.

Posebno naglašavamo da je na području općine Vogošća izvršena zamjena svih mjernih uređaja i montaža zamjenskih mjerila sa mogućnošću daljinskog očitavanja.

Zahvaljujemo se općinskom Vijeću, Načelniku i svim općinskim službama na izuzetnoj dosadašnjoj saradnji u realizaciji projekata gasifikacije kao i projekata kojim smo poboljšali sistem snabdijevanja gasom na području općine. Nadamo se da će se ovakva saradnja nastaviti i u periodu koji je pred nama.

Želimo se zahvaliti i građanima općine Vogošća koji nam daju podršku redovnim plaćanjem dostavljenih računa.

Sarajevogas podržava i promovise humano i ekološko opredjeljenje predhodnih generacija za *čisto nebo iznad Sarajeva*, prilagođeno nastalim promjenama i zahtjevima generacija koje dolaze.

S poštovanjem,



Direktor:

Ibrahim Karahodžić, dipl. maš. inž.

CO: — SRM, a/a